

Date – 04/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Vawiin session chhonzawm turah Chief Minister leh Finance changtu Pu Lalduhoma'n sawrkar kum thar 2025 leh 2026 inkara Mizoram Budget tur a pharh ang.**
- 2. Chief Minister Pu Lalduhoma'n Mumbai-ah Mizoram sorkar sum seng lova Mizoram House sa turin hmalak mek a ni a ti.**
- 3. President Droupadi Murmu chuan ramchhunga zirna in hrang hrangte chuan khawvel huap pawha hlawhtlinna chang thei turin theihna an neih thu a sawi**
- 4. Rampumah luia cheng chi dolphin 6327 a awm.**

<><><>

ASSEMBLY-BUDGET

Mizoram Legislative Assembly thutkhawm chu vawiin hian chhonzawm a ni dawn a, Chief Minister leh Finance changtu Pu Lalduhoma'n sawrkar kum thar 2025 leh 2026 inkara Mizoram Budget tur a pharh ang.

Assembly thutkhawm hi chawhma dar 10 leh chanve ah tan a ni dawn a, thutkhawmah hian Finance changtu chief minister Pu Lalduhoma chuan tangka kum thar (2025-2026) atana Mizoram sum hman tur ruahman (annual budget) chu a pharh dawn a. Supplementary Demand for Grants for 2024-2025 nen a pharh dawn a, Hei hi budget a vawi 2 pharhna tur a ni.

Tuna sawrkar kum hman lai mek kum 2024 leh 2025 inkar atana budget Rs. Vaibelchhe 14,276.62 hi nikum February ni 27 khan Chief Minister leh Finance Minister Pu Lalduhoma chuan a pharh a, Finance Department thuneitute sawi danin kumina budget hi pung hret tura ngaih a ni.

Voicecast : C. Lalhmunsangi / Akashvani News Aizawl

Mizoram Legislative Assembly thutkhawm chu vawiin chawhma dar 10 leh chanve hian chhonzawm a ni dawn a, Puan tawh angin Chief Minister leh Finance changtu Pu Lalduhoma chuan vawiin hian kum 2025 atanga kum 2026 inkara Mizoram tana sum ruahman (Budget) leh tun sawrkar kum kal laia sum dil belhna (Supplementary Demand for Grants for 2024-2025 chu House ah a pharh dawn. Pu Lalduhoma hian budget hi vawi 2 a pharhna tur a ni a, tun tangka sum kallaia hi sum harsatna avangin insawhngheh kum (year of consolidation) ah ZPM chuan a lo tum sa a, kumin budget ah hian ZPM in

inthlan hmaa alo intiam angte tih puitlin theihna tur budget danglam hmuh beisei a ni.

<><><>

HOME MINISTER

Home Minister Pu K. Sapdanga'n Halpuah hal vangin mi 68 man an nih thu House a hrilh.

He thu hi nimina Assembly thutkhawma zawhna leh chhanna hunah sawiin, Home Minister chuan Halpuah hal avangin mi 68 man an ni a ti a, thubuai 55 ziahluh niin, mi 63 lakah thubuai siamsak a ni tih sawiin heng mite hrem dan tur chu court lam thuneihna a ni tawh tih a sawi.

Home Minister chuan Mizoram Police Act 2011 hnuaiah Rules nei turin Draft rules buatsaih mek a ni a ti a, Mizoram Police Act 2011 hnuaiah Rules an la nei tih sawiin Draft Rules buatsaih mek a nih thu House a hrilh a, tuna Police constable lak turah eligibility anga kal an tum, infiamna thei bik te tan quota zaa 5 a awm tih sawiin Mizoram-a outpost leh police station zawng zawng thuam that tuma hmalak mek a nih thu a sawi bawk.

<><><>

MIZORAM YOUTH COMMISSION BILL

Mizoram Legislative Assembly thutkhawm nimina chhunzawmah The Mizoram Youth Commission Bill 2025 chu pass a ni a, hetihlai hian eptu lam ten Bill chungchang sawihona ah House Leader Pu Lalduhoma thusawi chungchanga an lungawi loh avangin Bill pass dawnah House an chhuah san.

House Leader leh Chief Minister Pu Lalduhoma chuan MNF leh Congress sawrkar chu Mizoram Youth Commission Act 2008 siamtha duhlo ah a puh a, kum 16 chhung hman tawh ni mahse thil thalo tam tak a awm a, dan chu siamthat mai theih anih tawhloh avangin a thar hlaka siam a ngai a ti a, Dan thalo hmanga Mizoram Youth Commission awm reng chu tha an tilo tih a sawi.

Bill puluttu Minister Pu Lalnghinglova Hmar chuan Mizoram Youth Commission Act 2008 kimlo leh fuh tawklo tam tak a awm a, a bikin thalai kaihnawih thil anih avangin bilh tel ngai tamtak hriat a ni a ti a, Sawrkar hmasa ten Youth Commission tha tak mai anlo din chu lawmawm atih thu sawiin hmarchhak state ah pawh nei anla tam lo a ni a ti.

Eptu hruaitu, Pu Lalchandama Ralte chuan dan chu ennawn leh phawt ni se tih chu an duhdan anih thu a sawi a, kum 2008 ah Mizoram Youth Commission Act an pass chu India rama Youth Commission puala bill hmasa ber ani a ti a, dan lo awm tawhsa nuaibo ngawt loa Amendment anga kalin siamthat dan awm se an duh tih sawiin Select Committee ah dah phawt turin an duh tih a sawi.

Congress MLA Pu C. Ngunlianchunga chuan Sawrkar hmasa ten hmalakna an lo neih tawh Mizoram Youth Commission Act 2008 chu famkim

vek lo mahse thalai te hmakhaw ngaia din anih angin dah belh ngai leh siamthat ngai siamthaa kalpui mai tur anih laiin Bill thar hlak pass tuma hmalakna chu tha atih loh thu a sawi a, The Mizoram Youth Commission Bill 2025 chu Bill hmasa ami zaa 70 lai telh anih tho avangin bill thar pass tum chu hmingthat lak tumna a ni a ti.

Sawihona hrang hrang zawh hnu hian eptu party te chuan Dan siamthat chu an thlawp thu leh nuaibo tawp aia siamthat lam hawi zawnga hmalak thaa an hriat thu an sawi a, House Leader Pu Lalduhoma thusawiah Sawrkar hmasa hmalakna diriamna tam tak a awm avangin Bill chu an pass pui theilo tiin House an chhuahsan a ni.

<><><>

CM-MIZORAM HOUSE

Chief Minister Pu Lalduhoma'n Maharashtra khawpui Mumbai-ah Mizoram sorkar sum seng lova Mizoram House sa turin hmalak mek a nih thu a sawi.

He thu hi nimina Assembly thutkhawma zawhna leh chhanna hunah sawiin, Chief Minister chuan ram chhung khawpui hrang hrang Guwahati, Bangalore, Mumbai leh Churachandpur-ah Mizoram House mamawhna sang hle mahse Mizoram sorkar chuan a sakna tur sum a la nei rih lo tih House a hrilh a, hetihruah hian tun hma atanga Maharashtra khawpui Mumbai-a Mizoram sorkarin ram a neihah Mizoram House sakna tura inremna a lo siampui tawh, tun thlenga sak la ni chuang lo chu a contractor ban an tum a, Mizoram sorkar sum seng lova a sak theih dan turin indawrna neih mek a ni a, a taka an kalpui theih leh theih loh dan tur chu an la hre lo tih a sawi bawk.

<><><>

CS

Chief Secretary, Pu Khilli Ram Meena State Water and Sanitation Mission (SWSM) sang Chairman hovin Swachh Bharat Mission (Grameen) thawh hnihna hnuiaia kum 2025-26 chhung atana hmalakna tur nimin khan sawiho a ni.

AIP atan hian cheng nuai 2549 chuang ruahman a ni a. Mizoram district 11 zingah December ni 31, 2024 thleng khan district 7 chu ODF Plus (Model) ni tawhin, kumin March thla tawpah hi chuan district 8 neih beisei a ni a. 2025-26 plan atan hian a bak district 3 chu ODF Plus (Model) an nih beisei a ni. Chutiang bawkin khaw 637 hnuiaiah 569 chu ODF Plus (Model) ni tawhin, kumin March thla ah khaw 51 a pung leh tura beisei a ni a; AIP ah hian khaw 17 dah a ni. Hmalakna tur hrang hrang zingah vantlang ek in atana soak pit siam te, tui hawk sawngbawl te, bawlhhlawh khawn khawmna leh paih leh sawngbawl na leh a dang hrang hrangte a tel a ni.

Meeting-ah hian PHED atangin leh member despertmend dang - LAD, Finance, I&PR, School Education, H&FW, P&PI, RD atanga Secretary te leh an aiawhte an tel a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.



PVT PLACEMENT BILL

Mizoram Legislative Assembly thutkhawmah The Mizoram Private Placement Agencies (Regulation) Bill, 2025 chu nimin khan House in lungrual takin an pass.

Bill puluttu, Minister Lalnghinglova Hmar chuan The Mizoram Private Placement Agencies (Regulation) Bill, 2025 chu dan hman mek, The Mizoram Private Placement Agencies Regulations Act, 2015 thlakna tura siam a ni tih House a hrilh a, he dan hi Mizoram pawna hnathawk duh te hna zawn saktu, private placement agency te kaihhruaina dan a nih piah lamah awmze nei zawka kalpui a nih theih nan te, hnathawk tura an thawn chhuahte himna tur leh hna sang zawk an thawh theihna tur a nih thu a sawi.

Tun dinhmuna Mizoramin dan a neih mek chu a famkim tawk lova, ram danga mi inehkunghura hnathawk te tan chauha siam a nih avangin domestic worker ni lo ram danga hna dang thawk te chu sorkar laipui danah chuan dan bawhchhia an nih nghal mai avangin he dan hi siamthat tul an tih thu a sawi a. Minister chuan bill thar a putluhah hian India ram pawna hnathawh mai bakah Mizoram chungah hnathawhnaah te pawh inkaihhruaina mumal tak a awm tawh dawn tih sawiin, domestic worker te chauh ni lovin Mizo thalai lekhathiam ten ram pawna hna hrang hrang an thawh theihna tura duan a ni a ti a, he dan hnuaiah hian kum 18 chunglam bak chu chhawr theih an ni dawn lo tih a sawi bawk a ni.

He Bill hi member hrang hrangin an sawiho hnuah House chuan lungrual takin a pass ta a ni.



PRESIDENT

President Droupadi Murmu chuan nimin khan New Delhi-a Rashtrapati Bhavan-ah 8th Visitors Award a sem. Thusawiin President chuan ramchhunga zirna in hrang hrangte chuan khawvel huap pawha hlawhtlinna chang thei turin theihna an neih thu a sawi a. Ramchhungah zirbingna tihhmasawn zel a duh thu sawiin Artificial Intelligence lamah hmalakn thar nei turin zirna in sangte a sawm bawk a ni



PM

Prime Minister Narendra Modia chuan thiamna ziding pangngai leh khawl thluak thiamna Artificial Intelligence (AI) te chu ramngaw leh nungcha humhalh leh enkawl nan hman tam a duh thu a sawi. Nimina Gujarat-a Junagarh district-a National Board for Wildfire thutkhawmah Prime Minister Narendra Modia chuan he thu hi a sawi a..Ramngaw kang leh mihring leh

ramsa inkara harsatna awm thinte ti tlem turin AI hmanthiamte, khawl hman uarte,remote sensing leh leilung zirchianna uar zawka kalpui te chu a pawimawh a ti bawk.

Nimin thutkhawmah hian rampumah luia cheng chi dolphin 6327 a awm thu tarlan a ni a. Ramchhunga state pariat chhunga lui 28 ah chhiarpui neih niin Uttar Pradesh chuan Dolphin hi a ngah ber a. Bihar, West Bengal leh Assam ten an dawt a ni.

Thutkhawmah hian Unoin Environment Minister Bhupendra Yadav,State tin aiawh, NGO aiawh, Chief Wildlife Warden leh secretary te an tel a ni. PM Modia hian National Referral Centre for Wildlife dinna tur lungphum a phum bawk a ni.

Prime Minister Narendra Modia chuan social media ah Gir ramngaw-a ramsa vang Asiatic Lion humhalh kawnga mipui tanrualna chu fakawm a tih thu a sawi a. Tribal hnamte leh hmeichhiaten Asiatic Lion khawsakna hmun humhalh kawngah theihtawp an chhuah chu lawmawm atih thu a sawi bawk a ni.

